

## 凡例

一本錄按次編列自民國五年十月三十一克公薨逝日起至六年四月十五營葬日止始終一致貫徹

一本錄約分四段卽區畫爲四章二十節以便閱者

一本錄敘事專重本會暨營葬事實中央各省各縣電文凡來輓詞祭文除酌量擇尤編入外餘從割愛

一本錄第一章于克公事略遺稿軼事徵集無多不免孤陋  
請姑存其真以待來者

一本錄以命令公電卷牘爲根據以插圖及表冊爲證明以昭

## 徵信

一黃蔡二公先後薨逝各省縣同時或致電弔唁或開會追悼表示哀忱本錄用將關於二公公電誄詞分類附錄俾資參攷

一本錄原推編輯四人嗣以公務先後卸去編者屢辭不獲經處長敦促拉雜成章不免筆漏

一本錄雖經校訂核對而字句訛舛及叙事欠妥處仍多閱者諒之

編者謹識

中華民國六年九月日

## 弁言

歲在丙辰袁氏擅政盲風怪雨顛覆國基義幟既張亂旋以定於是乎袁氏死矣非種新鋤方資建設而我元勳黃公克強遽爾不弔滬濱潮咽衡嶽雲迷湘人之哀戚有非恒情所能擬者乃慟淚既枯追悼之聲以起請於政府許以三千金爲會費當時以璋誼屬同舟適被公推勉爲籌備頽唐潦倒負咎滋多迄會事告終出入較量尙存餘欸僉謂此次愷唁暨黃公畢生實錄勿容不爲表襮暫留一紀念略編期限二月編成即贏貲付手民刊印議既定以編輯處長相屬並舉編輯四人輔之黃公於戊戌政變後知清廷肆虐不足圖存密謀改革出沒於淫威政府之下備極艱虞卒率同盟諸君成偉績辛亥以還又疊因政潮起仆蓋籌碩畫幾乎洋溢全球璋何人斯敢廁斯役祇以迫於敦促隨諸君子從事徵求函電紛馳日輒數起遺言軼行卒不獲聞間有斷縑零紈未敢據爲完璧諸輔我者乃援長篇例彙以璋繼且相率辭去蓋是時璋方臥病也既瘥後據情求退並請擴

張蔚爲鉅製使偉烈豐功信今傳後乃言之數數致府因討逆事亟財力窘竭仍促璋簡略終事無已爰檢存稿做雜誌近體拉雜成帙謬付剞劂藉資暫時參考未遑多顧也中華民國六年九月 日龍璋序於潛廬

伯堅學兄惠存



Loq



## 事畧遺稿軼事

### 第一節 事略

#### 黃克強先生歷史

##### (1) 修養時代

黃克強先生原名軫字厘午更名興字克強湖南長沙人居善化之東鄉世有令德先生於民國紀元前三十八年甲戌九月十六日寅時生貌歧嶷寡言笑弱冠補博士弟子旋食廩餼自豪俠聞於鄉里嘗任募鄉團以殺戮劇賊爲鄉里所推重旋肄業兩湖書院因以留學日本值滿洲問題起在東組織義勇團後歸國主講於湖南之明德學校自此以往遂入於國民時代

##### (2) 同盟會時代

華興社時代 先生當留學日本時憤外患日亟清政不綱遂誓以政治革命爲己任歸湘後糾集陳天華宋教仁劉揆一馬福益等創立華興社密謀於清西太后生日官吏慶賀時掘地置炸藥爆發舉事謀洩馬福益就義先生再渡日本而革命之進行遂益急

同盟會之成立 乙巳秋先生在東京因日人宮崎寅藏之介紹而識孫中山先生是時適中山由法國東來也相見之下即商議倡立同盟會事數日之間邀集各省同志六十餘人在某日人家開聯盟之會逾十餘日留學界中接踵加入者至四五百人然後定章程舉幹事中山先生被舉爲總理先生被舉爲執行部庶務執行部者即內閣之基礎庶務一職即內閣總理也同盟會成立後中山往南洋羣島謀畫進行先生卽代理總理之責本部一切計畫全由其一人主持而雜誌之民報先生爲主幹焉

黃花崗之役 同盟會者中國革命之原動力而克強先生者同盟會之指導人也自乙丙以來同盟會黨務日拓屢於各省起義當時先生計畫務在邊省起事使清廷鞭長莫及故河口之役鎮南關之役先生皆身預之而黃花崗一役開共和成立之先聲尤爲民國歷史上最可寶貴之紀念先生親攻督署損其一指失敗後易服走免乃至南洋一帶與同志接洽謀再舉

而八月十九日之攻即基先生之一行

### (3) 辛亥革命時代

漢陽之役 黃花崗失敗以後決計從事地方革命由長江流域人手辛亥八月佈置已定十九日武昌起義爲民國開創之第一日先生於起義之一星期後歸抵上海旋赴湖北今總統黎公予以一團使臨前敵時漢口已失先生往守漢陽視漢陽大勢不可久持但其時已獨立者祇湖南江西兩省先生抱堅守之志以待各省之響應並密電各省同志使速舉義至十月初六日漢陽爲陸軍攻破司令部爲流彈所焚先生猶欲收拾餘燼背城借一同志勸以徒死無益乃去之上海是時獨立者已十四省矣

南京政府成立 先生之至上海也各省代表方議組織政府羣議以大元帥行政政府事公舉先生而先生以黎公首義功高力以大元帥讓之黎公黎公又推先生適孫中山先生返國定議舉爲大總統先生任陸軍總長參謀總長時軍務倥偬南方一切調兵籌餉事務皆先生主持之而先生對於南北抱休兵息民之心以清帝退位民國成立即可罷職對於和議表示贊成於是乎南北統一

南京留守 政府既北遷袁比力請先生坐鎮東南收拾軍隊先生辭不獲已乃允任職受任伊始贛軍劫北城先生嚴懲之並發金賠償受劫者商民頌德而軍隊從此亦秋毫無犯人稱紀律之嚴焉在任三月餘裁遣軍隊十餘萬未嘗有滋事者且所費亦至省裁兵事畢乃自請裁撤留守以江蘇軍交付蘇督而退居上海

#### (4) 共和建設時代

先生爲大革命家大愛國家而同時爲大政治家此所以先生之一舉一動所關於國家者至深且鉅也革命既成先生既標兩大主義以爲其政治上之方針一民生主義一改良主義是也南京政府時小黨分立宋遜初先生倡合黨之論先生助成之一日先生集同盟會之要人在某寓開會集合黨之議定名國民黨先生被推爲理事與孫中山先生同縮黨務時新舊之爭漸激先生力主調和以網羅人才爲務故雖異黨人士多敬愛之先生努力持與袁世凱聯絡之說元年初親來京與袁氏商大計開誠布公力表信任未幾復返滬欲專力實業休養民力政府任以全國鑛務督辦無何又任爲粵漢鐵路督辦

#### (5) 癸丑革命時代



宋遜初先生被害先生始終主張法律解決然自北軍南下後羣情憤激及李協和解任後赴滬亦意在平乖怒而免戰禍乃李未至滬而兵端已啟故有湖口之役其時南京軍界憤激潮湧滬上人士主張兵力解決者尤逾多數贛甯方面均以先生昔在南京軍民愛戴公同敦促先生赴甯主持乃以七月十四日至甯十五日由都督程德全宣布獨立歷十餘日先生見人民尙未悟袁氏之奸又不忍以愛民者害民乃以特別軍事會議之結果率同志退出南京城內尙七粵無驚也

(6) 共和再造之準備及實行時代

南京失敗後先生避地日本時黨人亦先後廢集類有流離失所者先生以人才完全亟須培養徒有資助非計得也軍事法政皆爲黨人亟務因創辦浩非廬招集軍官研習兵事又發起法政學校俾其餘得習從政之法故黨人之東咸有所練習迨護國軍起其軍官由此出者多有聲譽而法政學校學生其歸國成功名者亦七十餘人皆先生預爲培養之力又爾時黨人主張頗有絕對急激者不願與他黨聯絡欲以部分之力奮與袁鬪先生心知其非嘗謂人曰二次革命失敗非正義有違也乃不得國民的普遍的同情也今欲大舉以聯結各黨派人才

爲先不宜稍存界域自孤其力也會歐洲大戰日本亦行加入亞洲風雲頗有岌岌之勢先生因集黨中重要分子創爲歐事研究會然其內容則以排除惡劣政治爲維持國脈之方法至進行次序則不分黨派集中人才爲先而以恢復民意機關及民定憲法爲最終目的會中綱要皆其手定故自西南創義其主要人才出於歐事研究者獨多迨袁死後而民黨之所以要求現政府者亦不外先生預擬之條目是知先生之遠識確有特別過人者也數年以來從表面觀先生有多謂其持冷靜態度其實主義密謀無不自先生指動者先生嘗宣示於衆曰今後革命吾惟盡義務決不享權利故凡有所舉辦恒不願以己之主布告大衆願其猛進之志又未絲毫或懈蓋其愛國之真忱然也去歲渡美所至演說時項城以金錢之力在美洲報紙亟言中國不適共和異國之人受其惑者不鮮先生力關其誣隨處解釋卒能使其國人盡表同意於我民黨者皆先生之力也又項城窮促在美借款以圖濟其軍實締結條約已告成矣先生力阻事遂無效而項城之左右因款絀而益解體者又非先生之力不至此也

(7) 歸國維持大局及薨逝前情形

當西南起義之時民黨要人多有急電促先生歸者先生答以力任援助而不允卽歸者以恐

人之議其爭功名也至五月九日始返滬適值民黨與政府協議善後方法其所以用其調融者至周且密而總統總理屢電促其來京復派代表勸行朋好中亦多數勸其就道先生曰吾果至京於黨派調和自不能謂之無益然人之議之者必謂爲別有所謀吾非忘情政治者惟現在守定二語與其巧取不若拙守故不欲急行者亦正此耳孰知憂國心長於國慶日咯血數升延醫診視迄未就痊噩耗傳來遽爾辭世梁棟崩折國是何託瞻念前途不勝其痛悼之無極

## 第二節 遺稿

整飭紀綱電 民國元年

北京袁大總統唐總理教育部蔡總長均鑒民國初建百端待理立政必先正名治國首重飭紀我中華開化最古孝弟忠信禮義廉恥爲立國之要素卽爲法治之精神以忠言之盡職之謂忠非奴事一人之謂忠古人所稱上思利民以死報國是也以孝言之立身之謂孝非獨親其親之謂孝昔賢遺訓如好貨財私妻子縱耳目之欲以爲父母戮推而至於戰陣無勇舉爲炯戒是也善忠孝二字行之個人則爲道德範圍天下則爲秩序泰西各國禮治法治雖不相

侔而大本大原終未有背棄者秦漢以降學說龐雜道化凌夷君主私其國家個人私其親族大盜竊國奸夫有家馴至却虜僭位稱爲聖明烹子調羹見於史傳憂時之士睠懷世變積痛在心謂非破此迷津無以尊循人道殊不知前舉弊端非誤於國民之崇尚忠孝而誤於國民不明忠孝之眞理即如此次紀義全體一心父詔兄勉前仆後起復九世之深仇貽五族以幸福於民國則爲忠於私家則爲孝是以政治革命家庭革命諸學說原爲改良政教起見初非有悖於忠孝之大原惟比來學子每每誤會共穿議論駢於楛蠟眞理因之隱晦衝是以行將見首父母母認爲自由踰法躰紀視爲平等政令不行倫理蕩盡家且不存國於何有應請通令全國各學校教師申此義毋使邪說權行致令神明胃齋誤入歧趨漸至編紀蕩然毫無秩序破壞公理妄起私心惟權利之爭國有渙散之勢孟子所謂猛獸洪水之害實無逾此與頻年奔走志在保邦睹此危機五內焦灼用敢披瀝上陳伏乞採納立予施行毋任盼禱黃輿叩

覆上海昌明禮教社書

前奉惠書因軍事旁午久稽裁答再奉華翰敬悉諸君拳拳禱教欲挽狂瀾願力甚宏佩慰無

已吾華立國最古開化亦最先制禮樂敷五教舜時已然三代尤盛吾國數千年文野之分人禽之界實在乎此秦漢以後學術靡維迫化以夷君主私其國家個人私其親族流毒至數百世夷狄乘之國種岌岌憂時者睠懷世變疾首痛心主張政治革命家庭革命而不學小夫竊其詞不識其義或矯枉過正或踰法滅紀來書所謂假自由不遵法律藉平等以凌父兄鄙人亦日有所聞誠古今大變爲始事諸人所不及料者前清大總統通令全國學校教師申明紀綱卽以此等惡習關係民國前途甚巨實欲遏此橫流諸君創辦明禮教社以研究禮法改良風俗爲己任深明匹夫有責之義是宣布共和來所日夕望而不圖得之者也甚盛甚盛鄙人頻年奔走學殖荒落竊以爲西國實業日異月新旣以東亞爲市場卽不能禁民之不購貨惟有事事仿造翻新出奇非惟可塞漏卮實可暢銷國貨至其習俗則學其醇而避其醜必一求其形似焉則誤矣此模仿外國之當辨別者一也中國習俗惡染甚多如食洋菸喜纏足不明公德不講衛生之類志士呼號已數十年至今尙未能痛改而其習慣之善良者如孝友辭嫻任卹之類或棄之如遺不惜犯天下之大不韙比來年少在學校則不師其師在家庭則不親其親似此行之個人則無道德行之天下則無秩序發端甚微貽禍甚大孟子所謂猛獸

洪○水○之○害○實○無○逾○此○此○中○國○習○俗○當○湔○除○當○保○存○之○不○可○不○辨○別○者○二○也○抑○又○有○進○焉○者○中○外○治○理○各○不○相○侔○大○抵○中○國○素○以○禮○治○外○洋○素○以○法○治○吾○國○制○禮○或○有○失○之○繁○重○者○不○妨○改○之○從○同○外○國○立○法○或○有○因○其○宗○教○沿○其○習○俗○者○萬○不○可○隨○之○立○異○本○此○意○以○辨○其○塗○徑○導○以○從○違○釀○成○善○良○風○俗○庶○幾○在○是○諸○君○子○以○爲○何○如○鄙○人○志○在○弔○民○晚○不○聞○道○尙○望○不○我○遐○棄○有○以○教○之○謹○復○

莫愁湖粵軍死事碑記

天○下○成○功○之○速○奚○恃○乎○恃○乎○人○之○見○義○勇○爲○而○已○當○民○國○臨○時○政○府○設○立○於○金○陵○也○前○清○政○府○相○與○震○讐○羣○思○抵○隙○蹈○瑕○且○有○縱○貫○鐵○道○往○來○颯○疾○朝○發○夕○至○安○危○之○機○間○不○容○髮○而○清○敗○將○張○勳○方○狼○奔○豕○突○於○固○鎮○宿○州○間○固○宿○者○扼○江○淮○衝○要○爲○南○北○腰○齊○南○不○得○此○無○以○圖○冀○北○北○不○得○此○無○以○窺○江○東○兩○方○均○恃○爲○要○害○者○也○元○年○二○月○南○北○議○和○停○戰○而○張○勳○思○乘○機○掩○襲○警○報○疊○至○姚○軍○長○雨○平○躬○率○粵○軍○子○弟○力○當○前○敵○方○其○兩○軍○對○壘○礮○震○肉○飛○積○骸○成○山○血○流○成○渠○而○我○軍○前○者○屢○僵○後○者○堅○拒○非○惟○不○得○少○移○尺○寸○且○追○蹤○逐○北○何○其○壯○也○豈○嶺○南○豪○俠○皆○視○死○如○歸○歟○夫○亦○由○其○見○義○之○勇○也○今○日○者○莫○愁○湖○上○高○冢○纍○然○江○色○湖○光○呼○吸○萬○頃○士○女○瞻○拜○無

間歲時若共知漢家天下爲數十百人之性命所構造者又何樂也然國家既已構造不可不求恢復方今五洲大通咸思協以謀我羣虎在旁瞬息千變竊願吾國人勇於對內者盡移以對外與列強馳逐於世界競爭之場則其樂又豈有窮期耶今國家開戰史之局功蹟將著於信史不復備述蠱迷死事者之慘使來者怵然起敬又因推論國家強弱無常用破吾黨自足之見庶久而知所策厲云民國元年月日黃興誌

### 致各省都督發起國民銀行書

敬啟者前以籌設國民銀行通電尊處諒邀鑒察其中迫不可緩之理由請再詳陳之民國建設端緒甚繁然非財則一事不舉際此上下交困不得已議借外債各國銀行乃協以謀我要挾萬端我即操縱有方而國力不足以爲後盾串終無濟徒尋埃及覆轍而已竊謂國用不足實由於百姓不足茲欲振國民生計於疲敝之後非先求銀行業之發達則凡百無可言者夫天下財雖有限散之則如沙而機關滯聚之則成團而魄力雄美國各實業均以脫拉斯勢力壓倒一切者此也今槓國人之貧財謀公共之利益社會金融於以活潑政府借貸亦可接濟利國利民實無逾此况滬漢各埠外人所設各銀行其初資本未必雄厚而卒之集零星存款

營業日擴匪惟目信於其國家其勢力直被全球成法具在是在有心人執誠以導之毅力以行之力矯前清積弊公舉股東中之有學識才器經驗者總挈其綱庶幾成此偉大之業耳與已與此間中外財政專家詳細商榷草定銀行章程並招股辦法但事務重大非棉薄之力所能舉敬乞大力提倡賜銜發起並刻期設立收股處俾得早觀厥成茲將詳章及招股辦法奉達如有未盡事宜尙乞隨時賜教爲幸敬請勳安黃興頓

鐵道雜誌序

吾國鐵道始於前清光緒二年之淞滬路視歐美各國已後六十餘年今全球敷設者長凡五十餘萬英里幾以鐵道之修短爲國家之強弱而我國尙寥寥可數且爲外人經營者什而八九固由清廷昏庸無識任外人侵我交通行政權抑亦信用久墮國民又生計艱難故相率觀望不前也今者共和成立欲蘇民困厚國力舍實業末由然不速建鐵道則實業決難發展蓋實業猶人身血液鐵道則其脈絡絡滯塞血液不貫注自然之理也本會有見於此爰於研究進行之餘發行雜誌以喚醒國人均有鐵道觀念爲主旨且國家新訂法律事事皆求保障國民議會又時時得以監督之自茲以後政府與人民可各釋疑慮先以鐵道爲救亡之策急



起直追以步先進諸國後塵則實業庶幾興勃也乎。民國元年八月黃興識於滬上。

### 致留守府秘書廳函

電稿甚好惟於忠孝字須詳加詮釋並須將君臣字抉去毋使忠字專對於君主而言致被奇冤莫雪須知爲人謀而不忠乎此亦忠也此電發出新學諸子必多反對須立身反對面而使無置喙之餘地方爲完璧此上冕鳳兩兄何如興頓

辛亥八月十六日爲武昌起義之前數日時公有寄諸同志一書備述彼時狀況今日讀之

猶可想見創造共和之艱辛焉書長摘錄如左略曰〔前畧〕

弟自四月以來除與展堂兄署佈告之外未嘗與一友通隻字雖中山先生處亦未敢以所事告恐增良友以感德亦冀有以斷絕一切糾纏以促其進行之速不意蹉跎歲月屢爲同事人所阻行止動作不獲自由悲憤填胸無可發洩時適得楊君篤生在倫敦自沈消息感情所觸幾不自持又復先後得中山先生及各兒函電慰勉有加而責備綦重弟自服黨務以來迭次失敗自問於實際初無裨益何足重勞公等之嘉許至若爲保黨所藉口有阻後來籌款之路或所不免此則日夜所躊躇於心而未能決者也〔中畧〕又曰革命與暗殺二者相輔而行其